

Naalakkersuisut siulittaasuat

Landsstyreformanden

Inatsisartunut ilaasortaq Esmar Bergstrøm, Demokraatit

§ 36, imm. 1 naapertorlugu Qaanaap kommunia pillugu Naalakkersuisunut apeqqu

Inatsisartut suleriaasissaanni § 36, imm. 1 naapertorlugu ukuninga Naalakkersuisunut apeqquteqarputit:

- 1) Qaanaap aningaasatigut isumaginninnerullu tungaatigut massakkut ajornartorsiuteqarnerata qaangernissaanut, Naalakkersuisut ikiuinissaminut suliniuteqarpat imaluunniit pilersaaruteqarpat?
- 2) Nunaqarfik Moriusaq, Qaanaap kommunianiittoq pillugu Naalakkersuisut sunik pilersaaruteqarpat?

1-imut)

Qaanaap kommunia KANUKOKA-p 2005-imut pingaarnertut kisitsisaatai malillugit Kalaallit Nunaanni kommunit ilagaat innuttaasumut ataatsimut 49.712 koruuninik isertitaqarnerpaaffiusartoq, taakku agguaqatigiissillugu isertitaasartunit 3 %-imik qaffasinnerupput. Taakkunanga 33.000 koruunit tapiissutaapput naligiissaarutaalutillu. Peqatigitillugu Qaanaap kommunia kommuninut allanut naleqqiullugu innuttaasumut ataatsimut ingerlatsinermut aningaasartuuteqarnerpaasarpoq allaffissornermullu aningaasartuuteqarnerpaasarluni.

Kommunit nammineerlutik aqutsinissaannut ilaatigut pisariaqarpoq kommunit nammineerlutik aningaasaatiminnik tulleriarisinnaassuseqarnissaat. Tamannataaq isumaqarpoq aningaasaqarnikkut ajornartorsiuteqartoqalersillugu Namminersornerullutik Oqartussat immikkut ittunik tapiissuteqarsinnaanissaat naatsorsuutigineqassanngitsoq.

Naalakkersuisut juni 2006-imi akuersissutigaat Qaanaap kommunia aningaaserivimmit 7 mio. koruuninik taarsigassarsinnaassasoq kingusinnerpaamik 1. maj 2009-imi utertillugit akilereersimasassanik. Taamatut taarsigassarsinissamik aningaaserivik isumaqatigiissuteqarfigineqareerpoq. Tamatuma saniatigut Qaanaap kommunia aamma Ilulissat kommunit isumaqatigiinniarput Ilulissat kommunita aningaasaqarnermik aqutsineq, teknikimut tunngasut, ineqarnermut tunngasut sulisoqarnermullu tunngasut pillugit ikiorsiinissaanut. Taamaaliortoqarpoq siunertaralugu allaffissornikkut ileqqaartoqarnissaa qulakkeerniarlugulu suliassat isumannaatsumik naammassineqartarnissaat. Taamatut iliuuseqarnikkut Qaanaap

9. oktober 2006
J.nr. 03.59/17

Postboks 1015
3900 Nuuk
Oq/tel +299 34 50 00
Fax +299 32 50 02
govsec@gh.gl
www.nanoq.gl

kommuniata aningaasaqarnerata ingerlalluaqqilernissaa ikiorsiiviginiarneqarpoq, kommunip 1. maj 2009-mi kommunitut kattunnissaa pitinnagu.

Naalakkersuisunit eqqarsaatigineqanngilaq Qaanaap kommunianut kommunip aningaasarliornera ikiorserniarlugu arlaannik aallartitsisoqarnissaa imaluunniit aningaasanik tapersiisoqarnissaa. Naalakkersuisut uppeaat Qaanaap kommuniata nammineerluni aningaasaqarnini aaqqissinnaagaa ilaatigut Ilulissat kommuniat suleqatigalugu.

Qaanaami inuuniarnikkut ajornartorsiutit eqqarsaatigalugit Naalakkersuisut uku suliassatut aallarereerpaat:

Februar 2004-imi Ilaqutariinnermut Peqqissutsimullu kiisalu Aningaasaqarnermut Naalakkersuisut tusagassiorfitsigut nalunaaruteqarput Akileraartarnermut Pisortaqarfiup kommuninut imigassamik aalakoornartulimmik eqqussuinerup agguarsimanagera tassani taaneqarsimalluni. Taanna malillugu Qaanaap kommunia nunatsinni atuiffiunerpaanut ilaavoq, imigassanullu aalakoornartulinnut tunngatillugu Qaanaaq kommuninut tamanit eqqussuiffiunerpaavoq. Taamaalimmat Naalakkersuisunut ilaasortaq Asii Chemnitz Narup aalajangiivoq Peqqissutsimut Pisortaqarfik kommunimi Qaanaami innuttaasunit, politiinit, atuarfimmit aamma isumaginnittoqarfimmit atuivallaarnerup kingunerisimasai pillugit paasissutissanik piviusunik pissarsini-assasoq Qaanaallu kommunia suleqatigalugu imigassanut tunngasut pillugit suleriaasissamik pilersaarusiussalluni. . Suleriaasissatut pilersaarut februar 2005-imi taavani pinaveersaartitsinermut ataatsimiititaliap Paarisallu akornanni suleqatigiinnikkut ilusilersorneqarpoq. Tamatuma kingorna suleriaasissatut pilersaarut kommunimi uninngaannarsimavoq, kommunalbestyrelsinut qinersinermik pissuteqarunartumik. Tamatuma kingornatigut Suleriaasissatut pilersaarut kommunalbestyrelsimit akuersissutigineqarpoq 6. september 2005-imi Peqqissutsimut Pisortaqarfimmut nassiunneqarluni. Suliniutissat pingaarnert ilagaat Qaqiffik Ilulissat aamma Qaanaap Kommuniata ukiunut pingasunut suleqatigiinnissamik isumaqatigiissuteqarnerat. Taassuma kingunerai najukkami ilaqutariinnik katsorsaasarneq aamma illoqarfimmi nunaqarfinnilu pikkorissartitsisarnerit. Peqqissutsimut Pisortaqarfik suleqatigiinnissamut isumaqatigiissutip piviusunngortinnissaanut 2005-imi 160.000 koruunik tapiissuteqarpoq 2006-imilu 300.000 koruuninik neriorsuteqarluni. Peqqissutsimut Pisortaqarfik Paarisa aqutigalugu pinaveersaartitsinermut siunnersortimik atorfinitsitsinermut tapiissuteqarpoq. Ajoraluartumik kommuni atorfimmu ukiuni marlungulersuni suli inuttaqanngitsumut qinnuteqartumik naleqqut-tumik nassaarsinnaasimangilaq.

2-mut)

Naalakkersuisunit apeqquteqarninni allapputit Qaanaap kommunia nunaqarfimmut Moriusamut akisussaasutut misigisimajunnaarsimasoq, tassami "annertunerusutigut taamaallaat Namminersornerullutik Oqartussat sulisui imaluunniit Namminersornerullutik Oqartussat suliffeqarfiutaanni sulisut kiserngorussimmata." Qaanaap kommuniata Qaanaap kommuniani innuttaasut tamaasa sutigut tamatigut akisussaaffigai. Moriusami inuit qassit najugaqarnerat imaluunniit taakku sumi suliffeqarnerat apeqqutaatinnagit kommuni pisussaavoq kommunimi innuttaasutut allatulli pisariaqartitaannik sulissutissallugit.

Naalakkersuisut Moriusap Qaanaap kommuniani nunaqarfittut inissisimaneq al-
lanngortissallugu pilersaaruteqanngillat.

Ikinngutinnersumik inuulluaqqusillunga

Hans Enoksen